



Verwysing: 20170217-8052
13/2/3
Navrae: NF Sobetwa-Magodla

Asseseringsbestuursminuut: 0006/2017

Aan: Adjunk-direkteurs-generaal; Hoofdirekteure; Direkteure (Hoofkantoor en distrikskantore); Hoofonderwyskundiges; Kringbestuurders; Bestuurders: Kurrikulumondersteuning; Bestuurders: Strategiese Inligting, Beheer en Mensbestuur; Adjunk-hoofonderwyskundiges; Asseseringskoördineerders; Vakadviseurs en Hoofde van alle opvoedkundige inrigtings

Onderwerp: Bestuur van asseseringsonreëlmatighede op distriksvlak

1. Hierdie minuut vervang Asseseringsbestuursminuut 0024/2009: Bestuur van asseseringsonreëlmatighede op distriksvlak.
2. Volgens die *Regulations pertaining to the Conduct, Administration and Management of Assessment for the National Senior Certificate*, soos gepubliseer in *Staatskoerant 31337*, gewysig op 16 Mei 2014, word daar verwag dat elke distrik 'n Distriksasseseringsonreëlmatigheidskomitee (DAOK) gestig het.
3. Die DAOK is 'n verlenging van die Provinsiale Eksamenonreëlmatigheidskomitee (PEOK). Die DAOK werk onder die regsgeldigheid van die PEOK en rapporteer gereeld aan hulle. Die PEOK sal die insette van alle Komitees oor Distriksasseseringsonreëlmatighede konsolideer en 'n provinsiale verslag aan die Nasionale Eksamenonreëlmatigheidskomitee (NEOK) voorlê.
4. Die DAOK sal alle asseseringsonreëlmatighede op die vlakke van Algemene Onderwys en Opleiding (AOO), Verdere Onderwys en Opleiding (VOO) en Volwasse Basiese Onderwys en Opleiding (VBOO) hanteer, en sal 'n groot rol speel by die hantering van onreëlmatighede met betrekking tot die nasionale asseserings, provinsiale asseserings en skoolgebaseerde asseserings (SGA).
5. Die doel van hierdie minuut is om riglyne (**Bylae A**) te verskaf oor hoe asseseringsonreëlmatighede op distriksvlak bestuur moet word.

6. Aangeheg by hierdie minuut (**Bylae B**) is 'n vloedigram wat illustreer hoe die DAOK onreëlmatighede vir alle eksamens en assesserings moet bestuur.
7. Distriksdirekteure word vriendelik versoek om die inhoud van hierdie minuut onder die aandag van die toepaslike amptenare te bring.

GETEKEN: PAD BEETS

ADJUNK-DIREKTEUR-GENERAAL: KURRIKULUM- EN ASSESSERINGSBESTUUR

DATUM: 2017-03-15